

**BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADSKO VIJEĆE**

**IZVJEŠTAJ O REALIZACIJI PROGRAMA RADA
GRADSKOG VIJEĆA BIHAĆ ZA 2017.GODINU**

Bihać, januar 2018.godine

SADRŽAJ:

DIO PRVI - UVOD	4
DIO DRUGI - RAD I AKTIVNOSTI GRADSKOG VIJEĆA	4
DIO TREĆI – TEMATSKI DIO	7
POGLAVLJE 1. Informacije	7
POGLAVLJE 2. Izvještaji	7
POGLAVLJE 3. Programi i planovi	8
DIO ČETVRTI - NORMATIVNI DIO	9
POGLAVLJE 1. Planirani poslovi	9
POGLAVLJE 2. Neplanirani poslovi	13
DIO PETI - RASPOLAGANJE GRADSKIM GRAĐEVINSKIM ZEMLJIŠTEM	13
DIO ŠESTI - IZBOR I IMENOVANJA	14
DIO SEDMI - DAVANJE SAGLASNOSTI NA OPĆA AKTA	14
DIO OSMI - STEPEN DOSTIGNUTE REALIZACIJE PLANIRANIH I NEPLANIRANIH AKATA	15
(Tabelarni prikaz ukupnog broja razmatranih materijala u 2017.g.)	16
DIO DEVETI - STALNA I POVREMENA RADNA TIJELA VIJEĆA	17
POGLAVLJE A -Statutarna komisija	17
POGLAVLJE B - Komisija za finansije i budžet	18
POGLAVLJE C - Komisija za izbor i imenovanja	18
POGLAVLJE D - Komisija za lokalnu samoupravu	18
POGLAVLJE E - Komisija za žalbe	19
POGLAVLJE F- Komisija za odlikovanja	20
POGLAVLJE G- Komisija za ljudska prava i ravnopravnost spolova	20
POGLAVLJE H - Komisija za prostorno uređenje i zaštitu okoliša	20
POGLAVLJE I - Komisija za obrazovanje, kulturu, sport i mlade	20
POGLAVLJE J - Komisija za rad, zdravstvo i socijalnu politiku	21
POGLAVLJE K - Komisija za predstavke i prijedloge	21
POGLAVLJE L- Administrativna komisija	21
POGLAVLJE M - Komisija za rukovođenje tajnim glasanjem	21

POGLAVLJE N - Etička komisija izabраниh zvaničnika-----	21
(Tabelaпri prikaz održanih sjednica komisija donesenih odluka)-----	22
DIO DESETI - STEPEN DOSTIGNUTE REALIZACIJE VIJEĆNIČKIH PITANJA	
I INICIJATIVA VIJEĆNIKA-----	23
POGLAVLJE A- Stepen dostignute realizacije vijećničkih pitanja-----	23
POGLAVLJE B- Stepen dostignute realizacije inicijativa vijećnika-----	24
DIO JEDANAESTI – STEPEN DOSTIGNUTE REALIZACIJE ZAKLJUČAKA	
VIJEĆA-----	24
DIO DVANAESTI - ODNOS I SARADNJA FEDERALNIH I KANTONALNIH	
VLASTI,	
MEĐUOPĆINSKA/GRADSKA I MEĐUNARODNA SARADNJA-----	-25
DIO TRINAESTI- JAVNOST RADA GRADSKOG VIJEĆA-----	26
DIO ČETRINAESTI – KOLEGIJ GRADSKOG VIJEĆA-----	-27
DIO PETNAESTI- SLUŽBA ZA STRUČNE POSLOVE GRADSKOG VIJEĆA----	28
(Tabelaпri prikaz ostvarenih rezultata redovnih poslova Službe)-----	31
DIO ŠESNAESTI- ZAKLJUČNA RAZMATRANJA I PRIJEDLOG MJERA-----	34

DIO PRVI - U V O D

Gradsko vijeće Bihać (u daljem tekstu: Vijeće) je predstavnički organ građana grada Bihaća i organ lokalne samouprave izabran na temelju općeg biračkog prava na neposrednim izborima tajnim glasanjem na način određen Izbornim zakonom Bosne i Hercegovine i organ odlučivanja koji donosi opće i druge akte u okviru samoupravnog djelovanja Grada, te obavlja i druge poslove u skladu sa zakonom i Statutom.

Gradsko vijeće svoj rad temelji na odredbama Zakona o principima lokalne samouprave u FBiH („Službene novine FBiH“, broj:49/06) i Zakonu o lokalnoj samoupravi Unsko-sanskog kantona („Službeni glasnik Unsko-sanskog kantona“, broj: 8/11), te odredbama člana 35. Statuta Grada Bihaća („Službeni glasnik Grada Bihaća“ broj: 13/15).

Vijeće ima 30 vijećnika, a organizacija i način rada Vijeća utvrđeni su Poslovnikom Gradskog vijeća Bihać („Službeni glasnik Grada Bihaća“, broj: 3/16) (u daljem tekstu: Poslovnik Vijeća).

U Vijeću su obrazovani klubovi vijećnika kao oblik djelovanja vijećnika prema stranačkoj pripadnosti i to:

- Klub SDA – Stranke demokratske akcije koji broji 11 vijećnika,
- Klub SDP- Socijal-demokratske partije koji broji 5 vijećnika,
- Klub GS – Građanske stranke koji broji 5 vijećnika,
- Klub ASDA – Stranke demokratske aktivnosti koji broji 5 vijećnika,
- Klub DF- Demokratske fronte koji broji 2 vijećnika i
- Klub SBB – Saveza za bolju budućnost BiH- Fahrudin Radončić koji broji 2 vijećnika.

U toku izvještajnog perioda nije došlo do personalnih promjena u Gradskom vijeću Bihać nakon provedenih Lokalnih izbora održanih 02. oktobra 2016.godine.

DIO DRUGI - RAD I AKTIVNOSTI GRADSKOG VIJEĆA

POGLAVLJE I. Programiranje i izvještavanje o radu Gradskog vijeća

U skladu sa članom 75. Poslovnika Gradskog vijeća, Vijeće je obavezno donijeti svoj Program rada do kraja tekuće godine za narednu kalendarsku godinu. Program čine pitanja iz djelokruga rada Vijeća koja će se razmatrati na sjednicama Vijeća, u skladu sa zakonom, Statutom Grada, te utvrđenom politikom razvoja grada, kao i druge poslove i zadatke koji su u nadležnosti Vijeća.

Izvršavajući utvrđenu obavezu iz citiranog člana, Gradsko vijeće je donijelo svoj Program rada za 2017.godinu (u daljem tekstu: Program rada), te je u skladu s utvrđenim tačkama dnevnog reda, na prijedlog Kolegija Vijeća, održavalo svoje sjednice.

Rad sjednica pratio je i rad komisija Vijeća, kako stalnih tako i povremenih, koje su zauzimale stavove i davale mišljenja i prijedloge na materijale koji su bili na dnevnom redu sjednica Vijeća.

Pored rada na osnovu vlastitog Programa rada, nametala su se pitanja koja su bila predmet rasprava i donošenja odluka Vijeća i mimo Programa rada, a koje je Gradonačelnik, u svojstvu predlagača, dostavljao Vijeću kao nadležnom organu za njihovo donošenje.

Za sve materijale obrađivači su bile nadležne Gradske službe, a predlagač Gradonačelnik, osim materijala kada je posebnim propisom utvrđen ovlašteni predlagač.

U skladu s odredbama člana 80. Poslovnika Gradskog Vijeća, Vijeće je obavezno, najmanje jedanput godišnje, podnijeti javnosti izvještaj o realizaciji programa rada Vijeća. Izvještaj o radu Vijeća ima za cilj sagledavanje ostvarenja vlastitih programskih zadataka i aktivnosti, te informiranje građana o najznačajnijim pitanjima realiziranim u izvještajnom periodu.

Kroz predmetni Izvještaj za 2017. godinu dat je prikaz realizacije Programa rada Vijeća po dijelovima i poglavljima u tematskom i normativnom dijelu, izbor i imenovanja, davanje saglasnosti na opća akta, rad komisija Vijeća, te povremenih radnih tijela Vijeća, javnost rada, međuopćinska-gradska i međunarodna saradnja, te zaključna razmatranja kroz koja je dat rezime obrađene tematike s uporednim pokazateljima stepena realizacije Programa rada za 2017.godinu u odnosu na prethodni izvještajni period, te zaključna razmatranja s prijedlogom mjera.

POGLAVLJE II. Sjednice Gradskog vijeća i prisutnost na sjednicama

U izvještajnom periodu Vijeće je održalo šesnaest (16) sjednica, i to:

- četrnaest (14) redovnih sjednica ,
- jednu svečanu sjednicu povodom obilježavanja Dana grada Bihaća i
- jednu tematsku sjednicu na kojoj su razmatrane informacije o stanju sporta na području grada Bihaća.

Sjednice Vijeća trajale su u prosjeku devet sati.

Na redovnim sjednicama Vijeće je razmatralo i donijelo odluke o 110 akata od 144 akta koja su bila planirana u Programu rada Vijeća za 2017.godinu. Vijeću nisu dostavljena na razmatranje 34 akta.

Pored Programom rada planiranih i razmatranih akata, Vijeće je u izvještajnom periodu razmatralo i 117 akata mimo Programa rada, što ukupno daje broj od 227 akata koje je Vijeće donijelo.

U tabeli broj jedan dat je kumulativni prikaz održanih sjednica po vrstama i terminima održavanja.

Tabela br.1 Pregled održanih sjednica GV

Sjednice Vijeća	Broj sjednica Vijeća	Datum održavanja
januar	2. redovne	19.01.2017.g. 26.01.2017.g.
februar	1.redovna Svečana sjednica	20.02.2017.g. 27.02.2017.g.
mart	2. redovne	20.03.2017.g. 31.03.2017.g.
april	nije zakazana sjednica	
maj	2.redovne	04.05.2017.g. 31.05.2017.g.
juni	Tematska sjednica 1. redovna	06.06.2017.g. 28.06.2017.g.
juli	1. redovna	20.07.2017.g.
august	nije zakazana sjednica	-
septembar	1. redovna	11.09.2017.g.
oktobar	1. redovna	25.10.2017.
novembar	1. redovna	20.11.2017.g.
decembar	2.redovne	21.12.2017.g. 26.12.2017.g.
UKUPNO:	16 sjednica	

U odnosu na planiranih 12 redovnih, jednu svečanu i jednu tematsku sjednicu, iz tabele je vidljivo da je Vijeće održalo dvije redovne sjednice više u odnosu na broj planiranih.

Shodno pravima i dužnostima vijećnika utvrđenim u članu 29. Poslovnika vijeća, vijećnici su u najvećem broju prisustvovali sjednicama Vijeća.

U slijedećoj tabeli dat je brožčani prikaz prisustva vijećnika po održanim sjednicama Vijeća.

Tabela br.2 Prisutnost vijećnika na sjednicama Gradskog vijeća

r.b.	Broj sjednice	Prisutno vijećnika	Odsutno vijećnika	u % prisutnosti
1.	4. sjednica GV	28	2	93,33
2.	5. sjednica GV	28	2	93,33
3.	6. sjednica GV	27	3	90,00
4.	7. sjednica GV	30	30	100,00
5.	8. sjednica GV	27	3	90,00
6.	9. sjednica GV	28	2	93,33
7.	Tematska sjednica	24	6	80,00
8.	10. sjednica GV	30	30	100,00
9.	11. sjednica GV	29	1	96,66
10.	12. sjednica GV	27	3	90,00
11.	13. sjednica GV	28	2	93,33
12.	14. sjednica GV	29	1	96,66
13.	15. sjednica GV	28	2	93,33
14.	16. sjednica GV	27	3	90,00
15.	17. sjednica GV	28	2	93,33

U tabeli trećoj dat je analitički prikaz, poimenično, prisutnosti vijećnika po sjednicama Vijeća.

Tabela br. 3 Poimenična prisutnost vijećnika sjednicama Vijeća

r.b.	Ime i prezime	Redni broj sjednice														
		4.	5.	6.	7.	8.	9.	Tem	10.	11.	12.	13.	14.	15.	16.	17.
1	MALKOČ NIJAZ	+	+	+	+	+	+	+	+	+	+	+	+	+	+	+
2	BUDIMLIĆ ASMIR	+	+	+	+	+	+	+	+	+	+	+	+	+	+	+
3	IMSIREVIĆ REFIK	+	+	+	+	+	+	+	+	+	op	+	+	+	+	+
4	ABDIĆ HAMDIA	+	+	+	+	+	+	+	+	+	+	+	+	op	+	+
5	ALIJAGIĆ IRMAN	+	+	+	+	+	+	+	+	+	+	+	+	+	+	+
6	ZULIĆ MUSTAFA	o p	o p	o p	+	o p	o p	op	+	+	op	op	op	+	+	+
7	FELIĆ EDIN	+	+	+	+	+	+	+	+	+	+	+	+	+	+	+
8	DEDIĆ NEDIN	+	+	+	+	+	+	op	+	+	+	+	+	+	+	+
9	SEFERAGIĆ ALMIRA	+	+	+	+	+	+	op	+	op	+	+	+	+	op	+
10	ČEHAJIĆ AMRA	+	+	+	+	+	+	+	+	+	+	+	+	+	+	+
11	FELIĆ ASMIR	+	+	+	+	+	+	+	+	+	+	+	+	+	op	+
12	RAMIĆ SEJ	+	+	o p	+	+	+	+	+	+	+	+	+	+	+	+
13	AMIDŽIĆ ARMIN	+	+	+	+	+	+	+	+	+	+	+	+	+	+	+
14	ALIBEGOVIĆ	+	+	+	+	+	+	+	+	+	+	+	+	+	+	+

	<i>ILDA</i>															
15	<i>HAVIĆ SANEL</i>	+	+	+	+	+	+	<i>op</i>	+	+	+	+	+	+	+	+
16	<i>HANDUKIĆ ZULFIKAR</i>	+	+	+	+	+	+	+	+	+	+	+	+	+	+	+
17	<i>KULENOVIĆ FATKA</i>	+	+	+	+	+	+	+	+	+	+	+	+	+	+	+
18	<i>MESIĆ NEDŽAD</i>	+	+	+	+	<i>o p</i>	+	+	+	+	+	+	+	+	+	+
19	<i>KONJEVIĆ RUSMIRA</i>	<i>o p</i>	<i>o p</i>	+	+	+	+	+	+	+	+	+	+	+	+	+
20	<i>ŠUŠNJAR ADIS</i>	+	+	+	+	+	+	+	+	+	+	+	+	+	+	+
21	<i>HABIBIJA ADNAN</i>	+	+	+	+	+	+	+	+	+	+	+	+	+	+	+
22	<i>DIZDARIĆ SENAD</i>	+	+	+	+	+	+	+	+	+	+	+	+	+	+	+
23	<i>FATKIĆ AHMED</i>	+	+	+	+	+	+	+	+	+	+	+	+	+	+	+
24	<i>DEDIĆ IRMA</i>	+	+	+	+	+	+	+	+	+	+	+	+	+	+	+
25	<i>KLIČIĆ MEHO</i>	+	+	+	+	+	+	+	+	+	+	+	+	+	+	+
26	<i>KEŠKIĆ HASAN</i>	+	+	+	+	+	+	+	+	+	+	+	+	+	+	+
27	<i>BEČIRSPAHIĆ DINKO</i>	+	+	+	+	+	+	<i>op</i>	+	+	+	+	+	+	<i>op</i>	<i>o p</i>
28	<i>ČAVKUNOVIĆ MUHAMED</i>	+	+	<i>o p</i>	+	<i>o p</i>	<i>o p</i>	<i>op</i>	+	+	<i>op</i>	<i>op</i>	+	<i>op</i>	+	<i>o p</i>
29	<i>ŽUPA DAVOR</i>	+	+	+	+	+	+	+	+	+	+	+	+	+	+	+
30	<i>MUHAREMAGIĆ EMIL</i>	+	+	+	+	+	+	+	+	+	+	+	+	+	+	+

Uvidom u evidenciju prisutnosti vijećnika sjednicama Vijeća može se zaključiti da je prisutnost bila iznad 90%, što pokazuje da u izvještajnom periodu nije bilo odgađanja sjednica zbog nedostatka kvoruma, te da su vijećnici svoj nedolazak na sjednice Vijeća opravdali.

DIO TREĆI - TEMATSKI DIO

Tematski dio Izvještaja o realizaciji Programa rada Vijeća obuhvata izvršene poslove i zadatke na provođenju zakona i utvrđene politike, sistematizirane po oblastima i vrstama, kao i druge neplanirane poslove i zadatke koji su izvršeni u toku izvještajnog perioda.

U okviru Tematskog dijela Programa rada, Vijeće je razmatralo informacije, izvještaje, te programe i planove.

POGLAVLJE I - Informacije

Programom rada Vijeća za 2017. godinu, u Tematskom dijelu, planirano je razmatranje 9 informacija. Vijeće je razmatralo 6 informacija, dok za 3 informacije, koje nisu dostavljene Vijeću, predlažak nije obrazložio razloge nedostavljanja.

Od planiranih informacija iz Programa rada Vijeća za 2017.godinu, Vijeću nisu dostavljene na razmatranje slijedeće informacije:

- Informacija o stanju komunalne oblasti sa aspekta inspeksijskog nadzora za 2015. i 2016.godinu,
- Informacija o bespravno izgrađenim objektima na području grada Bihaća sa aspekta inspeksijskog nadzora za 2015. i 2016.godinu,
- Informacija o stanju u oblasti zaštite i spašavanja ljudi i materijalnih dobara od prirodnih i drugih nesreća na području grada Bihaća.

Neplanirano, mimo Programa rada, Vijeće je razmatralo Informaciju Veterinarsko javno zdravstvo, pojam, zaštita i nadležnost JP „Veterinarska stanica“ d.o.o. Bihać u obavljanju javnih poslova u gradu Bihaću iz domena veterinarskog javnog zdravstva, Informaciju o stanju izvedenih radova i radova koji su potrebni za završetak boračke zgrade u naselju Ozimice I, Informaciju o stanju zakupa poslovnih prostora i stanova u vlasništvu Grada Bihaća i Informaciju za MEG Projekt s preporukama za Grad Bihać.

POGLAVLJE II - Izvještaji

Gradsko vijeće shodno članu 35. Statuta Grada, u okviru samoupravnog djelokruga, između ostalog, nadležno je da razmatra godišnje izvještaje o radu i poslovanju javnih ustanova i javnih preduzeća čiji je osnivač, izvještaj o provođenju politike Grada i aktivnostima Gradonačelnika, izvještaje o provođenju donesenih razvojnih programa i planova, te druge izvještaje na koje su obavezani pravni subjekti kroz odluke i druge akte Gradskog vijeća.

U Tematskom dijelu, po Programu rada ukupno su planirana 32 izvještaja. Vijeću je dostavljeno na razmatranje 30 izvještaja.

Vijeću nisu dostavljeni: Izvještaj o radu i utrošku finansijskih sredstava doznačenih iz Budžeta Grada Bihaća Sportskom savezu Grada za 2016.godinu i Izvještaj o radu i poslovanju JP „Aerodrom“ d.o.o. Bihać za 2016.godinu.

Pored izvještaja o radu i poslovanju javnih ustanova i javnih preduzeća za poslovnu 2016. godinu, koje je Vijeće razmatralo u okviru svojih osnivačkih prava i Izvještaj o radu mjesnih zajednica za 2016. godinu, Vijeće je tokom 2017. godine razmatralo i sljedeće izvještaje:

- Izvještaj o realizaciji Programa rada Gradskog vijeća Bihać za 2016. godinu;
- Izvještaj o ostvarivanju politike Grada i aktivnostima Gradonačelnika za 2016.godinu
- Izvještaj o realizaciji Strategije razvoja općine Bihać 2014-2023 za 2016.godinu,
- Izvještaj o implementaciji Lokalnog ekološkog akcionog plana za 2016.godinu
- Izvještaj o utrošku sredstava namijenjenih za razvoj poljoprivrede na području grada

Bihaća za 2016.godinu,

- Izvještaj o utrošku sredstava za Program poticaja privredi za 2016.godinu
- Izvještaj o radu Privremenog skloništa za životinje na području grada Bihaća za 2016.godinu.

U planiranom roku Vijeću je dostavljen na razmatranje i Izvještaj o izvršenju Budžeta Grada Bihaća za 2016.godinu (godišnji obračun) sa Informacijom o trošenju sredstava tekuće budžetske rezerve za 2016. godinu., te kvartalni i polugodišnji Izvještaj o izvršenju Budžeta Grada Bihaća za 2017. godinu sa Informacijom o trošenju sredstava tekuće budžetske rezerve za 2017.godinu.

POGLAVLJE III - Programi i planovi

U Programu rada Vijeća za 2017. godinu, planirano je 28 programa i planova. Od planiranih, Vijeće je razmatralo 16 programa i planova.

Vijeću nisu dostavljeni na razmatranje 12 programa i planova, i to:

- Nacrt Programa rada Vijeća za 2017. godinu,
- Prijedlog Programa rada Vijeća za 2017.godinu,
- Plan zaštite od požara Grada Bihaća,
- Program rada JU“Zavod za prostorno uređenje“Bihać za 2018.godinu sa:
 - Programom uređenja građevinskog zemljišta,
 - Programom obavljanja djelatnosti zajedničke komunalne potrošnje
 - Programom održavanja, zaštite, rekonstrukcije i izgradnje lokalnih cesta,
 - gradskih ulica i nerazvrstanih cesta i
 - Programom uređenja i održavanja vodotoka i drugih voda, izgradnje i održavanja vodnih objekata
- Program poticaja privredi za 2017.godinu,
- Program poticaja razvoja poljoprivredi na području grada za 2017.godinu
- Plan utroška sredstava od naknade za korištenje državnih šuma za 2017.godinu

Stepen dostignute realizacije Programa rada Gradskog vijeća za 2017.godinu, vezan za Tematski dio, bit će prikazan u tabelarnom dijelu ovog Izvještaja.

Nadležne Službe, kao obrađivači materijala, a u ime Gradonačelnika kao predlagača, nisu izvijestile Vijeće o razlozima nedostavljanja materijala, na što ih obavezuje odredba člana 76. stav (2) Poslovnika Gradskog vijeća.

DIO ČETVRTI - NORMATIVNI DIO

POGLAVLJE I- Planirani poslovi

Normativni dio Izvještaja sadrži izvršene poslove u okviru Programa rada Vijeća, kao i neplanirane poslove i zadatke koji se odnose na nacрте i prijedloge propisa i drugih akata koje je donijelo Vijeće, te neizvršene Programom rada utvrđene poslove i zadatke izrade nacрта i prijedloga normativnih i drugih akata.

U Normativnom dijelu Vijeće je na 14 redovnih sjednica, od 35 planiranih odluka, donijelo 18, dok 17 odluka nije dostavljeno Vijeću na razmatranje za izvještajni period, a odnose se na oblasti urbanog uređenja i građenja, oblasti opće uprave, privrednih i društvenih djelatnosti i komunalnih oblasti.

U 2017. godini Vijeće je donijelo **40 planiranih** odluka iz oblasti imovinsko-pravnih odnosa čijim donošenjem su stvoreni uvjeti za investiranje na području grada. S tim u vezi donesene su odluke o ustanovljenju stvarnih služnosti na gradskom građevinskom zemljištu, o utvrđivanju javnog interesa za nepotpunu i potpunu eksproprijaciju građevinskog zemljišta, o promjeni statusa nepokretnosti u općoj upotrebi i sl

Kolegij Vijeća je u predlaganju dnevnog reda redovnih sjednica prioritet davao prijedlozima akata kojima su se stvarale pretpostavke za investiranje na području grada Bihaća od strane JP Elektroprivreda BiH d.d. Sarajevo Podružnica „Elektrodistribucija“ Bihać i DD BiH „Telekom“ Sarajevo-direkcija Bihać, te drugih pravnih subjekata čiji su interesi činili i javni interes grada Bihaća, bez obzira što većina ovih akata nisu bili planirani u Programu rada.

Također, Vijeće je u 2017. godini pristupilo izmjenama i dopunama odluka iz oblasti komunalnih djelatnosti kojima je uređena komunalna oblast (komunalne takse i naknade, komunalni red, javni red i mir i dr.).

U daljnjem tekstu prikazana je hronologija najznačajnijih odluka koje je Gradsko vijeće donijelo u izvještajnom periodu po sjednicama Vijeća, kako slijedi:

- na prvoj sjednici održanoj dana 19. 01.2017.godine, između ostalih akata, Vijeće je usvojilo Odluku o finansiranju troškova prevoza učenika srednjih škola u gradu Bihaću za 2017.godinu;

- na drugoj sjednici održanoj dana 26.01.2017.godine, između ostalih tačaka, Vijeće je usvojilo Odluku o pristupanju izradi Urbanističkog projekta „BBI galerija“, te Odluku o usvajanju Plana implementacije Strategije razvoja općine Bihać 2014-2023 za period 2017-2019. godina i Plan implementacije za 2017.godinu;

- na trećoj sjednici održanoj dana 20.02. 2017.godine, između ostalih tačaka, Vijeće je donijelo Odluku o dodjeli gradskih priznanja i nagrade Grada Bihaća za 2016.godinu, te

sedam odluka kojima je utvrđen opći interes za nepotpunu eksproprijaciju u korist JP Elektroprivreda BiH d.d, Sarajevo Podružnica „Elektrodistribucija“ Bihać;

- na četvrtoj sjednici održanoj dana 2017. godine, između ostalih tačaka, Vijeće je donijelo Nacrt Budžeta Grada za 2017.godinu i Nacrt Odluke o izvršavanju Budžeta Grada Bihaća za 2017.godinu, te prijedlog Odluke o usvajanju Nacrta izmjenama i dopunama RP „Ceravci 1“ za područje „A1“ i „H“;

- na petoj sjednici održanoj dana 31.03.2017.godine, između ostalog, usvojen je Budžet Grada Bihaća za 2017.g. sa Odlukom o izvršavanju Budžeta Grada za 2017.godinu, te Odluka o osnivanju Poslovne zone „Kamenica“;

- na šestoj sjednici održanoj dana 04.05.2017.godine, između ostalog, usvojena je Odluka o načinu držanja i zaštiti pasa i mačaka kao kućnih ljubimaca, te Odluka o usvajanju Nacrta izmjena i dopuna RP „OzimiceII“;

Također, na ovoj sjednici je donesena i Odluka o sklapanju Sporazuma o uspostavljanju trajne saradnje između Grada Bihaća (BiH) i Grada Gospića (RH);

- na sedmoj sjednici održanoj dana 31.05.2017.godine, između ostalog, usvojena je Odluka o izmjenama i dopunama RP „Ceravci1“ za područja „A1“ i „H“, te Odluka o izmjena i dopuna Odluke o provođenju RP „Ceravci“;

- na osmoj sjednici održanoj dana 28.06.2017.godine, između ostalog, donesene su Odluka o plaćama direktora u JU i JP čiji je osnivač Grad Bihać, Odluka o ograničavanju zapošljavanja u JU i JP čiji je osnivač Grad Bihać, te devet odluka o utvrđivanju javnog interesa u postupcima nepotpune i potpune eksproprijacije;

- na devetoj sjednici održanoj dana 20.07.2017.godine, između ostalog, donesene su Odluka o stambenom zbrinjavanju korisnika kolektivnih vidova smještaja kroz implementaciju projekta „Zatvaranje kolektivnih centara i alternativnog smještaja putem osiguranja javnih stambenih rješenja“ te Odluka o osnivanju, upravljanju, raspolaganju i korištenju stambenog fonda uz primjenu principa socijalnog stanovanja;

- na desetoj sjednici održanoj dana 11.09.2017.godine, između ostalog, Vijeće je donijelo Odluku o kriterijima za utvrđivanje visine sredstava za rad i funkcionisanje mjesnih zajednica, te odluke o usklađivanju osnivačkih akata i Statuta JP „Vodovod“ i JKP „Komrad“ sa zakonom;

- na jedanaestoj sjednici održanoj dana 25.10.2017.godine, između ostalog, Vijeće je donijelo Odluku o izmjenama i dopunama Budžeta Grada Bihaća za 2017.g., Odluku o izmjenama i dopunama Odluke o izvršavanju Budžeta Grada Bihaća za 2017.godinu, Odluku o raspisivanju izbora za članove savjeta mjesnih zajednica i predsjednike mjesnih zajednica, Nacrt Odluke o osnivanju Turističke zajednice Grada Bihaća, odluke o izmjenama i dopunama Odluke o komunalnom redu, Odluke o komunalnim taksama, Odluke o javnom redu i miru, te Odluku o objavljivanju javnog oglasa za imenovanje članova Gradske izborne komisije;

- na dvanaestoj sjednici održanoj dana 29.11.2017.godine, između ostalog, Vijeće je donijelo Nacrt Budžeta Grada Bihaća za 2018.g. i Nacrt Odluke o izvršavanju Budžeta Grada

za 2018.g., Odluku o kratkoročnom zaduživanju Grada Bihaća za 2018.godinu, te pet odluka o utvrđivanju javnog interesa;

- na trinaestoj sjednici održanoj dana 21.12.2017.godine, između ostalog, Vijeće je donijelo Odluku o davanju u zakup poslovnih prostorija, Odluku o finansiranju troškova prevoza učenika srednjih škola u gradu Bihaću za 2018.godinu, Odluku o usvajanju izmjena i dopuna RP „Ozimice II“, Odluku o usvajanju Nacrta Urbanističkog projekta „BBI galerija“ te Odluku o osnivanju Turističke zajednice Grada Bihaća.

Na navedenoj sjednici Gradsko vijeće je donijelo Odluku o izradi i provođenju Akcionog plana borbe protiv korupcije Grada Bihaća za period 2018.-2020.godina, čime su i Gradsko vijeće i Gradonačelnik iskazali svoje opredjeljenje za poduzimanjem antikoruptivnih radnji na lokalnoj razini kroz izgradnju kapaciteta za suzbijanje korupcije. Svjesni da je borba protiv korupcije dug i kompleksan proces u kojem nema brzih i jednostavnih rješenja, ograni Grada su ovom Odlukom postavili ciljeve koji se mogu postići povećanjem integriteta, odgovornosti i transparentnosti u organima javne vlasti, jačanjem antikoruptivnih mehanizama, te jačanjem javne svijesti o uzrocima i posljedicama korupcije i ulozi svakog pojedinca u preveniranju korupcije.

Također, Vijeće je donijelo i Odluku o učešću građana u vršenju javnih poslova, čime su organi Grada iskazali jedinstvenost u svom cilju da donošenjem navedene Odluke omoguće i olakšaju interakciju s građanima i predstavnicima zainteresirane javnosti u demokratskom procesu, te potaknu aktivnije učešće građana u javnim poslovima.

- Na četrnaestoj sjednici održanoj dana 26.12.2017.godine Vijeće je, između ostalog, donijelo Odluku o usvajanju Budžeta Grada Bihaća za 2018.godinu s Odlukom o izvršavanju Budžeta Grada Bihaća za 2018.godinu, Odluku o subvencioniranju dijela troškova komunalnih usluga vodosnabdijevanja i odvodnje i prečišćavanja otpadnih voda.

POGLAVLJE II - Neplanirani poslovi

Vijeće je po prijedlogu ovlaštenih predlagača razmatralo odluke koje nisu bile obuhvaćene Programom rada Vijeća za 2017. godinu. Vijeće je u izvještajnom periodu razmatralo i donijelo takvih 38 odluka.

Obzirom da su predmetnim odlukama stvarani uslovi za izvršavanje zakona i podzakonskih akata, te su predlagane u cilju obezbjeđivanja javnog interesa, vrlo često, Vijeće je davalo prednost ovakvim aktima u odnosu na planirane. Kako je u hronološkom prikazu rada sjednica dat osvrt na najznačajnije odluke koje su donesene, u daljnjem tekstu navedene su samo najznačajnije neplanirane odluke, a iste će biti zbirno prikazane u tabeli realizacije neplaniranih akata.

Vijeće je donijelo, između ostalih, slijedeće neplanirane odluke:

- Odluka o osnivanju Poslovne zone „Kamenica“

- Odluka o sklapanju Sporazuma o uspostavljanju trajne saradnje između Grada Bihaća (BiH) i Grada Gospića (RH)
- Odluka o plaćama direktora JU i JP čiji je osnivač Grad Bihać
- Odluka o ograničenju zapošljavanja u JU i JP čiji je osnivač Grad Bihać
- Odluka o davanju u zakup poslovnih prostora
- Odluka o stambenom zbrinjavanju korisnika kolektivnih vidova smještaja
- Odluka o osnivanju, upravljanju, raspolaganju i korištenju stambenog fonda uz primjenu principa socijalnog stanovanja
- Odluka o kriterijima za utvrđivanje visine sredstava za rad i funkcionisanje mjesnih zajednica
- Odluka o izmjenama i dopunama Odluke o radnom vremenu objekata u oblasti trgovine, ugostiteljstva, obrtničkih i srodnih djelatnosti
- Odluka o osnivanju Turističke zajednice Grada Bihaća
- Odluka o utrošku sredstava posebne naknade za zaštitu od prirodnih i drugih nesreća za sufinansiranje Projekta odvodnje i prečišćavanja otpadnih voda
- Odluka o finansiranju troškova prevoza učenika srednjih škola u gradu Bihaću za 2018.g.
- Odluka o izradi i provođenju Akcionog plana borbe protiv korupcije Grada Bihaća za period 2018-2020godina
- Odluka o učešću građana u vršenju javnih poslova
- Odluka o subvencioniranju dijela troškova komunalnih usluga vodosnabdijevanja , odvodnje i prečišćavanja otpadnih voda te
- Odluke o utvrđivanju javnog interesa za potpunu i nepotpunu eksproprijaciju.

Stepen dostignute realizacije Programa rada Vijeća za 2017.godinu, u Normativnom dijelu, dat je u tabeli broj 4. ovog Izvještaja.

POGLAVLJE III - Nerealizirani akti iz Programa rada

Vijeću u izvještajnom periodu nije dostavljeno na razmatranje 17 odluka planiranih Programom rada Vijeća, od kojih se najveći broj odnosio na prostorno plansku dokumentaciju, i to:

- Odluka o usvajanju izmjena i dopuna Regulacionog plana „Kamenica“ za područje E (Nacrt i Prijedlog)
- Odluka o usvajanju izmjena i dopuna Regulacionog plana „Repušine“ (Nacrt i Prijedlog)
- Odluka o usvajanju izmjena i dopuna Regulacionog plana „Veliki Lug B“ (Nacrt i Prijedlog)
- Odluka o izmjenama i dopunama Odluke o legalizaciji bespravno izgrađeni građevina na području općine Bihać

- Odluka o izmjenama i dopunama odluke o regulaciji saobraćaja
- Odluka o izmjeni i dopuni Odluke o građevinskom zemljištu
- Odluka o usvajanju Urbanističkog projekta „BBI galerija“
- Odluka o usvajanju Urbanističkog plana grada Bihaća za period od 2010. do 2030. godine
- Odluka o snabdijevanju pitkom vodom putem mjesnih vodovoda, javnih bunara i javnih česmi
- Odluka o predaji mezarja-groblja na području grada Bihaća (Nacrt i Prijedlog)
- Odluka o izmjenama i dopunama Odluke o snabdijevanju pitkom vodom na području općine Bihać
- Odluka o privremenoj zaštiti izvorišta vode za piće s kojih se snabdijevaju lokalni vodovodi na području grada
- Odluka o utvrđivanju broja korisnika i visini gradske stipendije u akademskoj 2016/17. godini.

Nadležne Službe, kao obrađivači materijala, a u ime Gradonačelnika kao predlagača, nisu se dosljedno pridržavale odredaba člana 76. stav (2) Poslovnika Gradskog vijeća obzirom da su samo Služba za komunalne djelatnosti, vode, zaštitu okoliša i inspeksijske poslove i Služba za lokalni razvoj obavijestile Vijeće o razlozima nedostavljanja planiranih materijala.

DIO PETI - RASPOLAGANJE GRADSKIM GRAĐEVINSKIM ZEMLJIŠTEM I IMOVINOM GRADA

Vijeće je u 2017. godini donijelo, kao nadležni organ, akte iz oblasti raspolaganja gradskim građevinskim zemljištem i imovinom u vlasništvu Grada, čija se je realizacija pozitivno odraziti na punjenje Budžeta Grada Bihaća. Vijeće je donijelo set odluka, rješenja i zaključaka i to: odluke o utvrđivanju javnog interesa, odluke o potpunoj i nepotpunoj eksproprijaciji ustanovljenjem služnosti na gradskom građevinskom zemljištu, rješenja o utvrđivanju prava vlasništva, zaključke o davanju u zakup poslovnih prostora, odluke o ustupanju pokretne imovine na korištenje JU i JP čiji je osnivač Gradsko vijeće i druge akte iz oblasti rješavanja imovinsko-pravnih odnosa čije donošenje je u nadležnosti Vijeća.

Realizacijom akata iz oblasti imovinsko-pravnih odnosa obezbjeđeni su uvjeti za investiranje na području grada, doprinijelo se je rješavanju potreba, kako građana, tako i pravnih lica, odnosno privrednih subjekata, a Grad Bihać je kroz te postupke ostvario značajna novčana sredstva.

Po navedenim osnovama Vijeće je donijelo **78 planiranih i neplaniranih** akata. U ovaj broj nisu uračunate odluke koje su prikazane u Normativnom dijelu ovog Izvještaja.

DIO ŠESTI - IZBOR I IMENOVANJA

Gradsko vijeće je u skladu sa svojim pravima i dužnostima utvrđenim Poslovníkom Vijeća u toku izvještajnog perioda, a na prijedlog Komisije za izbor i imenovanje, odnosno na prijedlog ovlaštenog predlagáča, vršilo razrješenja ili je davalo saglasnosti na razrješenja, te je izvršilo imenovanja u okviru prava osnivača.

Vijeće je u izvještajnom periodu, između ostalog, donijelo rješenje o razrješenju predsjednika i članova Gradske izborne komisije Bihać, rješenje o raspisivanju javnog oglasa

za izbor i imenovanje predsjednika i članova GIK Bihać, rješenje o imenovanju biračkih odbora za provođenje izbora za članove savjeta MZ i predsjednike MZ, rješenje o imenovanju komisije za provođenje izbora za članove savjeta i predsjednike MZ, rješenje o razrješenju i imenovanju predsjednika i članova NO JP „Aerodrom“ Bihać d.o.o. Bihać, rješenja o razrješenju i konačnom imenovanju predsjednika i članova NO JKP „Komrad“ d.o.o., JP „Veterinarska stanica“ d.o.o. Bihać, JP Vodovod d.o.o. Bihać, i JP „RTV Bihać“ d.o.o, dalo suglasnost na razrješenje direktora JU Centar za socijalni rad i imenovanje V.D. direktora, te je donijelo rješenje o imenovanju komisije za provođenje javnog nadmetanja za raspolaganje nekretninama u vlasništvu Grada Bihaća.

U izvještajnom periodu Vijeće je donijelo **18 rješenja** o razrješenjima i imenovanjima po raznim osnovama.

DIO SEDMI - DAVANJE SAGLASNOSTI NA OPĆA AKTA

U skladu s članom 158. Poslovníka Vijeća, javna preduzeća i javne ustanove dostavili su Vijeću kao osnivaču svoja opća akta s ciljem pribavljanja saglasnosti. Vijeće je u izvještajnom periodu davalo saglasnosti na pravila i druge akte javnih ustanova i javnih preduzeća čiji je osnivač Grad Bihać, te je donosilo i druge zaključke o davanju saglasnosti, kao što su prijemi zaposlenika na određeno i neodređeno vrijeme u JU i JP.

Vijeće je tokom 2017. godine, između ostalog, donijelo:

- a) Zaključak o davanju saglasnosti na Pravilnik o radu JU „Kulturni centar“ Bihać
- b) Zaključak o davanju saglasnosti na izmjene i dopune Pravilnika o plaćama, naknadama i ostalim primanjima zaposlenih u JU „Kulturni centar“ Bihać
- c) Zaključak o davanju saglasnosti na Trogodišnji plan poslovanja JP „Aerodrom“ Bihać
- d) Zaključak o davanju saglasnosti na Pravila JU „Stanouprava“ Bihać

Pored navedenih saglasnosti, Vijeće je u 2017. godini donijelo i zaključke o:

- davanju saglasnosti na godišnje programe rada i finansijske planove javnih ustanova, odnosno planove poslovanja javnih preduzeća čiji je osnivač Gradsko vijeće,
- davanju saglasnosti na godišnje izvještaje o radu i poslovanju javnih ustanova i javnih preduzeća čiji je osnivač Gradsko vijeće
- davanju saglasnosti na cijene komunalnih usluga (usluge tržnica)
- davanje saglasnosti na odluke o raspodjeli dobiti JP
- davanje saglasnosti na odluke o pokrivanju gubitaka JU.

Po navedenim i drugim pravnim osnovama, Vijeće je u izvještajnom periodu donijelo **ukupno 25 zaključaka.**

DIO OSMI - STEPEN DOSTIGNUTE REALIZACIJE PROGRAMA RADA VIJEĆA I NEPLANIRANIH AKATA

Na 14 redovnih sjednica Vijeće je ukupno razmotrilo 110 materijala od 144, koliko je bilo planirano Programom rada Vijeća i 117 materijala koji nisu obuhvaćeni Programom rada Vijeća, što daje broj od 227 materijala po kojima je Vijeće donijelo svoje odluke.

U tabeli četvrtoj, dat je prikaz ostvarene realizacije Programa rada Vijeća za 2017. godinu po vrstama akata i brojčano.

Tabela br.4 Pregled ostvarene realizacije po PGV

<i>Akti Vijeća</i>	<i>Planirano</i>	<i>Realizirano</i>	<i>Nerealizirano</i>
<i>Tematski dio</i>			
Informacije	9	6	3
Izvještaji	32	30	2
Programi i planovi	28	16	12
Normativni dio			
Odluke	35	18	17
Raspolagane građevinskim zemljištem	40	40	

UKUPNO	144	110	34
<i>Procent realizacije</i>		76,3%	23,7%

Nerealizirani materijali u izvještajnom periodu, kao što se može vidjeti iz tabele br.4, u najvećem broju, odnose se na programe i planove JU i JP, te na odluke vezane za prostorno-plansku dokumentaciju i komunalne djelatnosti, što je već obrazloženo.

U tabeli petoj dat je prikaz dostignute realizacije mimo Programa rada Vijeća (neplanirane aktivnosti).

Tabela br. 5 Pregled realizacije neplaniranih akata

Odluke, akti izbora, imenovanja, razrješenja, davanje saglasnosti i potvrđivanja općih akata (odluke, rješenja, zaključci)	63
Akti raspolaganja gradskim građevinskim zemljištem i nekretninama (odluke, rješenja, zaključci)	38
Razmatrane inicijative	3
Zaključci doneseni u toku rasprave na GV-u	13
UKUPNO	117

Iako je Kolegij Vijeća, kroz kontinuiranu analizu stepena realizacije Programa rada Vijeća za 2017.godinu, dostavljao Gradonačelniku podatke o planiranim – nerealiziranim materijalima, na ove okolnosti nije mogao utjecati obzirom da su predlagači materijala Gradonačelnik i organi upravljanja u JU i JP. Ove okolnosti su dovele da je veći broj realiziranih neplaniranih akata u odnosu na planirane, što je za posljedicu imalo niži stepen realizacije Programa rada Vijeća za 2017.godinu od očekivanog.

U broju neplaniranih materijala po kojima je GV donijelo odluke su i tri informacije vezane za Tematsku sjednicu održanu dana 06.06.2017.godine i to:

- Informacija o stanju sporta na području grada Bihaća,
- Informacija JU za sport, odmor i rekreaciju Bihać,
- Informacija Gradskog sportskog saveza o stanju sporta u gradu Bihaću.

DIO DEVETI - STALNA I POVREMENA RADNA TIJELA GRADSKOG VIJEĆA

Pripremu i rad sjednica Vijeća u kontinuitetu je pratio i rad stalnih radnih tijela-komisija, ovisno o vrsti materijala i djelokrugu rada. Komisije Vijeća su, u skladu s propisanim djelokrugom rada, razmatrale prijedloge odluka i drugih akata iz nadležnosti Vijeća.

Komisije su dale značajan doprinos u radu Vijeća svojim mišljenjima, prijedlozima i zaključcima, što je doprinijelo da sjednice Vijeća budu kvalitetnije i efikasnije. U ovom poglavlju dat je poseban osvrt na rad komisija koje su u 2017.godini održale sjednice.

POGLAVLJE I - Statutarna komisija

Statutarna komisija u 2017. godini održala je 17 sjednica.

Zadatak Komisije je razmatranje prednacrta, nacрта i prijedloga odluka i drugih akata u pogledu njihove usklađenosti sa Ustavom, zakonom, Statutom, Poslovníkom i drugim propisima, kao i njihova pravna obrada, razmatranje pitanja vezanih za ujednačavanje normativno-pravne obrade akata, koje donosi Vijeće, priprema teksta nacрта i prijedloga Statuta Grada, Poslovníka Gradskog vijeća i drugih propisa, utvrđivanje prijedloga za davanje autentičnog tumačenja odluka, utvrđivanje prečišćenog teksta odluka i drugih akata Vijeća i obavljanje drugih poslova utvrđenih Statutom Grada, Poslovníkom i odlukama Vijeća.

Komisija je po najvećem broju materijala dala pozitivno mišljenje, uz navođenje primjedbi u formi izmjena i dopuna akata, koje su unesene u njen izvještaj i smatrane su amandmanima. Vijeće je sve izmjene i dopune u cijelosti usvojilo uz materijale na koje su se odnosile.

Statutarna Komisija, u okviru svojih nadležnosti, imala je status predlagača akata koji su se odnosili na podnesene inicijative vijećnika, te je u svojstvu predlagača uputila GV na razmatranje slijedeće inicijative:

- a) inicijativu Vijećnika Nedina Dedić,
- b) inicijativu vijećnika Asmira Budimlić,
- c) inicijativu vijećnika Dinka Bećirspahić.

Komisija je u izvještajnom periodu, na održanih 17 sjednica, razmotrila i dala mišljenje na 221 materijal.

POGLAVLJE II - Komisija za finansije i budžet

Komisija za finansije i budžet u izvještajnom periodu održala je 15 sjednica na kojima su razmatrani gotovo svi materijali predloženi u sazivima sjednica Vijeća.

Obzirom da je u djelokrugu rada Komisije, između ostalog, razmatranje pitanja korištenja budžetskih sredstava od strane korisnika tih sredstava, razmatranje pitanja provođenja politike izvršavanja zakona, drugih propisa i općih akata koji se odnose na raspolaganje državnom imovinom, način ostvarivanja prava i dužnosti organa uprave, javnih preduzeća, javnih ustanova i drugih organizacija čiji je osnivač Grad, ili se finansiraju iz Budžeta Grada, te praćenje ostvarivanja prihoda i rashoda, kao i načina korištenja budžetskih sredstava od strane navedenih korisnika, ova Komisija je, s aspekta zakonitog korištenja finansijskih sredstava, dala mišljenje ili predložila zaključke na 210 materijala.

POGLAVLJE III - Komisija za izbor i imenovanje

U djelokrugu rada Komisije za izbor i imenovanje je predlaganje i imenovanje, odnosno razrješenje osoba, nosilaca rukovodnih i upravljačkih funkcija koje bira ili imenuje Vijeće kada je to utvrđeno Zakonom, Statutom ili općim aktima javnih ustanova i javnih preduzeća, te članova stalnih i povremenih radnih tijela Vijeća.

Komisija je u okviru svoga djelokruga rada, zajedno sa Statutarnom komisijom i Komisijom za žalbe, provela postupak razrješenja Gradske izborne komisije, te uputila Vijeću prijedlog rješenja o razrješenju navedene komisije. Također, Komisija je, nakon objavljivanja javnog oglasa za izbor i imenovanje GIK, provela je postupak izbora kandidata, te je pripremila rješenje za izbor i imenovanje nove GIK.

U okviru djelokruga poslova utvrđenih u članu 61. Poslovnika Vijeća, ova Komisija je u 2017. godini održala 17 sjednica na kojima je razmatrala 21 materijal.

POGLAVLJE IV - Komisija za lokalnu samoupravu

Komisija za lokalnu samoupravu je, u skladu sa svojim djelokrugom rada, pratila stanje u mjesnim zajednicama na području grada Bihaća i razmatrala pitanja od značaja za daljnji razvoj mjesnih zajednica, te predlagala mjere za unapređenje njihovog rada ili rješavanja postavljenih zahtjeva. Komisija je, između ostalog, dostavila Vijeću svoje stavove na Izvještaj o radu MZ za 2016.godinu, Odluku o kriterijima za utvrđivanje visine sredstava za rad i funkcionisanje MZ, Odluku o raspisivanju izbora za članove savjeta i predsjednike MZ. Također, Komisija je u skladu sa svojim Planom rada za 2017.godinu, obišla 15 MZ (Hatinac, Žegar, Srbaljani, Orašac, Kulen Vakuf, Martin Brod, Centar, Ozimice I i III, Pritoka; Ripač, Ribić, Izačić, Vrsta i Gata), te je u pisanoj formi sačinila izvještaj o zatečenom stanju u funkcionisanju organa mjesnih zajednica i problemima s kojima se susreću u svome radu.

U kontekstu navedenog, ova Komisija je kroz 8 sjednice ukupno razmatrala 10 materijala iz svoje nadležnosti.

POGLAVLJE V - Komisija za žalbe

U izvještajnom periodu Komisija za žalbe održala je 13 sjednica na kojima je razmatrano 46 žalbi, te je po istim donijela 43 odluke.

U radu Komisije posebno značajnu ulogu imala je Služba za stručne poslove Gradskog vijeća. Služba je za potrebe Komisije izvršila sazivanje sjednica Komisije, stručnu obradu žalbi i spisa prvostepenih predmeta i njihovo dostavljanje članovima Komisije, sačinila zapisnike sa sjednica Komisije, obrazložila pravni osnov za donošenje odluka po izjavljenim žalbama, te pripremala za Komisiju uvid u zakone koji regulišu oblast koja je predmet žalbe. Stručna služba je izradila za Komisiju 43 rješenja u drugostepenom postupku, te popratne akte, i izvršila njihovu dostavu prvostepenim organima. Također, Služba je pripremila, u saradnji sa resornim službama, 18 odgovora na tužbe u upravnim sporovima tužitelja protiv rješenja Vijeća i rješenja Komisije za žalbe i iste dostavila nadležnom sudu.

U šestoj tabeli dat je prikaz prenesenih žalbi iz 2016.godine, riješenih žalbi u 2017.godini, a u sedmoj tabeli dat je pregled vrsta odluka po izjavljenim žalbama i pokrenutim upravnim sporovima.

Tabela br.6 Prikaz podnesenih i riješenih žalbi

Ukupno žalbi	Neriješene žalbe na dan 31.12.2017.g.	Zaprimljeno žalbi u 2017. g.	Riješeno	Neriješeno
46	3	46	43	3

Tabela br.7 Vrsta odluka

Urađene žalbe	Žalba odbijena	Poništeno i vraćeno na ponovan post.	Poništeno i odlučeno	Oglašeno ništavim	Obustavljen postupak	Odbačeno	Ukinuto
43	27	14	1	0	0	1	0

POGLAVLJE VI - Komisija za odlikovanja i priznanja

U izvještajnom periodu ova Komisija je održala pet sjednica na kojima je razmatrano 58 prijava, inicijativa i prijedloga za dodjelu gradskih priznanja i nagrade Grada Bihaća za 2016.godinu, te su donesene 32 odluke. Služba za stručne poslove Gradskog vijeća je u okviru svog djelokruga rada za ovu Komisiju obavila sve stručne i administrativne poslove vezane za objavu javnog poziva za predlaganje kandidata za dodjelu priznanja i nagrade

Grada Bihaća za 2016.godinu, sačinila listu, odnosno tabelu predloženih kandidata sa analizom dostavljenih prijedloga kandidata u pogledu ispunjavanja propisanih kriterija za dodjelu priznanja i njihove usaglašenosti s Odlukom o priznanjima i nagradi Općine Bihać. Nakon provedenog postupka Služba je, na osnovu prijedloga Komisije za odlikovanja i gradska priznanja, sačinila Odluku o dodjeli gradskih priznanja i nagrade Grada Bihaća za 2016. godinu, kao i pojedinačne odluke za svakog dobitnika priznanja i nagrade. Također, Služba je za potrebe Komisije sačinila i dala na objavu javni poziv za predlaganje kandidata za dodjelu priznanja i nagrade Grada Bihaća za 2017. godinu.

POGLAVLJE VII - Komisija za ljudska prava i ravnopravnost spolova

Komisija za ljudska prava i ravnopravnost spolova u 2017. godini održala je jednu komisiju na kojoj su članovi Komisije upoznati sa djelokrugom rada utvrđenim članom 73. Poslovnika Vijeća.

POGLAVLJE VIII - Komisija za prostorno uređenje i zaštitu okoliša

U 2017.godini Komisija za prostorno uređenje i zaštitu okoliša održala je šest sjednica na kojima je u skladu sa svojim djelokrugom rada razmatrala 15 materijala vezanih za prostorno plansku dokumentaciju Grada.

POGLAVLJE IX - Komisija za obrazovanje, kulturu, sport i mlade

U toku izvještajnog perioda Komisija za obrazovanje, kulturu, sport i mlade održala je pet sjednica na kojima je razmatrala 11 materijala iz svoje nadležnosti, između ostalog, izvještaje o radu i poslovanju za 2016. godinu i programe rada i finansijske planove za 2017. godinu JU „Kulturni centar“ Bihać, JU „Gradska galerija“ Bihać i JU za sport, odmor i rekreaciju Bihać, te Izvještaj o radu i poslovanju JP „RTV Bihać“ d.o.o. Bihać za 2016. godinu.

Poseban doprinos komisija je dala na Tematskoj sjednici koja je bila posvećena stanju sporta na području grada Bihaća.

Nakon razmatranja Informacije o stanju sporta na području grada Bihaća u 2016.godini, Informacije JU za spor, odmor i rekreaciju o stanju sporta i sportskih objekata te Informacije Gradskog sportskog saveza o stanju sporta u gradu Bihaću, Komisija je predložila a Vijeće usvojilo set mjera čija realizacija bi trebala doprinijeti poboljšanju stanja u sportu i razvoju sporta na području grada Bihaća.

POGLAVLJE X - Komisija za rad, zdravstvo i socijalnu politiku

Komisija za rad, zdravstvo i socijalnu politiku u 2017.godini održala je tri sjednice na kojima je razmatrala Izvještaj o radu i poslovanju JP „Veterinarska stanica“ d.o.o. Bihać za

2016. godinu, Izvještaj o radu i poslovanju JU „Centar za socijalni rad“ Bihać za 2016. godinu, Program rada i finansijski plan JU „Centar za socijalni rad“ Bihać za 2017. godinu, te Plan poslovanja JP „Veterinarska stanica“ d.o.o. Bihać za 2017. godinu. Posebnu pažnju Komisija je posvetila problemima s kojim se susretala u svome radu JP „Veterinarska stanica“ d.o.o. Bihać, a koji su izneseni u Informaciji: Veterinarsko javno zdravstvo, pojam, zaštita i nadležnosti JP „Veterinarska stanica“ d.o.o. Bihać u obavljanju javnih poslova u gradu Bihaću iz domena veterinarskog javnog zdravstva. Predložene mjere i zaključke Vijeće je usvojilo, te je upućen zahtjev nadležnom Federalnom ministarstvu da poduzme adekvatne mjere kako bi se uočeni problemi riješili. Na tri sjednice Komisija je razmotrila i zauzela stavove o pet materijala.

POGLAVLJE XI - Komisija za predstavke i prijedloge

U toku izvještajnog perioda Komisija za predstavke i prijedloge održala je tri sjednice na kojima je razmatrala tri materijala iz svoje nadležnosti.

POGLAVLJE XII - Administrativna komisija

U 2017. godini Administrativna komisija održala je dvije sjednice na kojoj su razmatrana četiri materijala iz nadležnosti ove Komisije.

POGLAVLJE XIII - Komisija za rukovođenje tajnim glasanjem

Komisija za rukovođenje tajnim glasanjem u toku izvještajnog perioda nije imala zahtjeva za razmatranje iz svoje nadležnosti, te je održala jednu (konstituirajuću) sjednicu.

POGLAVLJE IV - Etička komisija izabranih zvaničnika Grada Bihaća

Djelokrug i način rada Etičke komisije utvrđeni su Etičkim kodeksom izabranih zvaničnika Grada Bihaća i Poslovníkom o radu Etičke komisije.

U toku izvještajnog perioda Etička komisija izabranih zvaničnika Grada Bihaća održala je tri sjednice na kojima je donijela četiri zaključka vezana za djelokrug rada.

U osmoj tabeli dat je prikaz održanih sjednica komisija Vijeća u 2017. godini i ista sadrži kumulativno broj donesenih odluka u formi mišljenja, stavova i zaključaka koje su komisije donosile vezano za dnevni red sjednica Vijeća i odluke koje su donijele neovisno od dnevnog reda Vijeća. Najveći broj sjednica i donesenih odluka imale su Statutarna komisija i Komisija za finansije i budžet obzirom da su razmatrale sve tačke dnevnog reda održanih sjednica Vijeća.

Tabela br. 8 Prikaz održanih sjednica komisija Vijeća i donesenih odluka

<i>Komisije Vijeća</i>	<i>Broj održanih sjednica</i>	<i>Broj donesenih odluka</i>
Statutarna komisija	17	221
Komisija za finansije i budžet	15	210
Komisija za žalbe	13	46
Komisija za ljudska prava i ravnopravnost spolova	1	1
Komisija za izbor i imenovanje	17	21
Komisija za lokalnu samoupravu	8	10
Komisija za odlikovanja i priznanja	5	32
Komisija za rad, zdravstvo i socijalnu politiku	3	5
Komisija za obrazovanje, kulturu, sport i mlade	5	11
Komisija za predstavke i prijedloge	3	3
Komisija za prostorno uređenje i zaštitu okoliša	6	15
Komisija za rukovođenje tajnim glasanjem	1	1
Komisija za sigurnost saobraćaja grada Bihać	-	-
Etička komisija	3	4
Administrativna komisija	2	4
UKUPNO	98	584

Također, vijećnici su u toku izvještajnog perioda bili članovi povremenih radnih tijela, kao što su radna tijela za izbor i imenovanje u regulirane organe, za predlaganje značajnih datuma za Grad Bihać, radnih tijela za izradu strateških dokumenata, za provođenje javnih rasprava, te regulaciju saobraćaja na području grada.

Javne rasprave su se obavezno provodile u postupku donošenja odluka ili drugih akata koje su Vijeću upućene u formi nacрта, ili za koje je Vijeće ocijenilo da su od posebnog značaja za građane i pravne subjekte, te je u tom smislu bilo potrebno izvršiti šire konsultacije .

DIO DESETI - STEPEN DOSTIGNUTE REALIZACIJE PITANJA I INICIJATIVA VIJEĆNIKA

POGLAVLJE I - Stepen dostignute realizacije vijećničkih pitanja

Shodno članu 93. Poslovnika Vijeća, vijećnici su u ostvarivanju svojih prava, postavljali vijećnička pitanja Gradonačelniku, rukovodiocima gradskih službi, javnim ustanovama i javnim preduzećima čiji je osnivač Vijeće, te drugim organima uprave, organizacijama i zajednicama koje vrše javna ovlaštenja i imaju sjedište na području grada.

Vijećnici su kroz 391. pitanje postavljeno na sjednicama Vijeća, ukazivali na određene probleme u lokalnoj zajednici vezanim za oblast socijalne zaštite, rada i zapošljavanja, komunalne infrastrukture, komunalne higijene, prostornog uređenja, sporta, zdravstvene zaštite građana, te ostalih pitanja čije rješavanje je od interesa za građane i naselja u kojima žive, tj. za širu društvenu zajednicu. Od postavljenih 391. pitanje, vijećnicima je odgovoreno putem nadležnih Službi i institucija na 357 pitanja. Vijećnici su, vrlo često, na sjednicama Vijeća ukazivali da im se na vijećnička pitanja ne odgovara u propisanom roku, te su prigovarali na sadržaj i kvalitetu odgovora, smatrajući ih paušalnim ili nepotpunim.

U devetoj tabeli dat je pregled broičano podnesenih vijećničkih pitanja s brojem i procentom njihove realizacije.

Tabela br.9 Stepen dostignute realizacije vijećničkih pitanja

<i>Pitanja</i>	
POSTAVLJENO	ODGOVORENO
391	357
U PROCENTU	86'9%

POGLAVLJE II - Stepen dostignute realizacije inicijativa vijećnika

U skladu s članom 93. Poslovnika Vijeća, vijećnici su pokretali inicijative u kojima su, između ostalog, inzistirali na izmjenama postojećih odluka ili donošenju novih, a kojim se uređuju pitanja iz nadležnosti lokalne samouprave.

Vijećnici su u izvještajnom periodu pokrenuli 68 inicijativa. Pokrećući određene inicijative vijećnici su ukazivali da rješavanje komunalnih ili drugih problema iz nadležnosti Grada mora biti efikasnije, kvalitetnije i da se prilikom planiranja mora više pažnje posvetiti i ruralna područja grada, a što je obaveza Grada kao jedinice lokalne samouprave.

Vijećnici su na sjednicama Vijeća ukazivali da im na podnesene inicijative nije odgovoreno, odnosno da nemaju saznanja da li su prihvaćene, ili se odgovori nisu dostavljali u Poslovníkom Vijeća utvrđenom roku.

Od ukupno podnesenih 68 inicijativa, Gradonačelnik je odgovorio na 55 inicijativa, dok na 13 inicijativa nije odgovoreno.

Od ovog broja, inicijative vijećnika Nedina Dedića, Dinka Bećirspahića i Asmira Budimlića, razmatrane su na sjednicama Vijeća i po istim je odlučeno. Od inicijativa na koje je odgovoreno, 10 inicijativa je realizirano, 13 je u toku realizacije, 11 inicijativa je prihvaćeno i djelimično su realizirane, dok na 13 inicijativa nije ni odgovoreno.

Naglašavamo da Službe ne izvještavaju Gradsko vijeće o stepenu realizacije prihvaćenih inicijativa, što daje dvostruko veći postotak inicijativa čija je realizacija u toku i koje su djelimično prihvaćene u odnosu na broj realiziranih inicijativa.

U desetoj tabeli dat je pregled brojčano podnesenih inicijativa s brojem i procentom njihove realizacije.

Tabela br. 10 Stepen dostignute realizacije inicijativa vijećnika

<i>Inicijative</i>					
BROJ INICIJATIVA	PRIHVAĆENO REALIZIRANO	PRIHVAĆENO DJELIMIČNO REALIZIRANO	PRIHVAĆENO REALIZACIJA U TOKU	ODBIJENO	NIJE ODGOVORENO
68	10	11	13	21	13
PROCENAT	14,70%	16,18%	19,12%	30,88%	19,12%

Broj prihvaćenih inicijativa bio bi znatno veći da su se vijećnici dosljedno pridržavali odredbe člana 94. Poslovnika Vijeća (postupanje po podnesenoj inicijativi).

Naime, većina podnesenih inicijativa odnosila se je na pitanja koja su zahtijevala širu analizu s aspekta potrebnih finansijskih sredstava za njihovu realizaciju, eventualno, mišljenje viših nivoa vlasti ili proučavanje relevantnih propisa u cilju iznalaženja njihovog rješenja. Ovakve inicijative vijećnici su bili dužni dostavljati Gradonačelniku u pisanoj formi radi prethodne ocjene i mogućnosti njihove realizacije, i to u roku od sedam dana prije održavanja sjednice Vijeća, nakon čega je mogla biti razmatrana na sjednici i po njoj donesena odluka.

Međutim, vijećnici se nisu dosljedno pridržavali citirane odredbe Poslovnika Vijeća, te su inicijative podnosili direktno na sjednicama Vijeća, čime su onemogućili da Vijeće o inicijativama donese odluke u skladu s Poslovníkom Vijeća.

Ne pridržavanje odredbe člana 94. Poslovnika Vijeća je dovelo do velikog broja inicijativa na koje je odgovoreno, ali nije završen postupak realizacije u skladu s Poslovníkom Vijeća, što ne umanjuje odgovornost Službi koje nisu odgovorile na podnesene inicijative iz svoje nadležnosti.

Služba za stručne poslove Gradskog vijeća ustrojila je internu evidenciju vijećničkih pitanja i inicijativa i odgovora na pitanja i inicijative, te je u kontinuitetu evidenciju ažurirala. Navedene interne evidencije su sastavni dio ovog Izvještaja. U tabelama je dat prikaz podnesenih inicijativa, ime podnosioca, sjednica na kojoj je podnesena, da li je po inicijativi postupljeno i stepen realizacije.

Radi obimnosti teksta, interna evidencija vijećničkih pitanja i inicijativa bit će dostavljena vijećnicima u elektronskoj formi kao sastavni dio ovog Izvještaja.

DIO JEDANAESTI - STEPEN DOSTIGNUTE REALIZACIJE ZAKLJUČAKA

Gradsko vijeće je u okviru svojih osnivačkih prava, a nakon razmatranja izvještaja o radu i poslovanju javnih ustanova i javnih preduzeća, donosilo zaključke s ciljem rješavanja uočenih problema u njihovom funkcionisanju i poboljšanju njihovog rada s aspekta obavljanja javnih poslova od interesa za grad Bihać, kao i druge zaključke koji su se donosili u toku rasprave po određenim aktima, kada je ocijenilo da je to svrsishodno.

Vijeće je u 2017. godini donijelo zaključke koji su se, između ostalog, odnosili na obaveze dosljednog pridržavanja metodologije za izradu izvještaja o radu, programa rada, planova poslovanja javnih ustanova i javnih preduzeća, na zakonske obaveze organa upravljanja i organa kontrole nad poslovanjem JU i JP kod podnošenja izvještaja o radu i poslovanju, obaveze poštivanja utvrđenih rokova za podnošenje izvještaja i planova poslovanja JU i JP, obavezu zakazivanja tematske sjednice GV, obavezu pokretanja procedure izrade registra gradske imovine, utvrđivanje mjera vezanih za rad JP „Veterinarska stanica“ d.o.o. Bihać, utvrđivanje mjera za prevazilaženje stanja u sportu na području grada Bihaća, izmještanja glavnog radijskog predajnika na Brekovici, prijema zaposlenika u JU Centar za socijalni rad Bihać, i drugi.

Bez obzira na poduzete mjere od strane predsjedavajućeg s ciljem realizacije donesenih zaključaka, i dalje je prisutna potreba za poboljšanjem načina izvještavanja i praćenja realizacije zaključaka. Kako bi se izbjegle situacije da Gradsko vijeće donosi više zaključaka po istom pitanju, predsjedavajući Gradskim vijećem će inzistirati na dosljednom provođenju i redovnom izvještavanju Vijeća o realizaciji donesenih zaključaka i o tome izvještavati Vijeće.

Gradsko vijeće je u izvještajnom periodu donijelo 16 zaključaka u toku rasprave po tačkama dnevnog reda, od čega je realizirano 6 zaključaka, 5 zaključka je djelimično realizirano, a 5 zaključka nisu realizirana.

Detaljan pregled donesenih zaključaka na sjednicama Vijeća sa stepenom dostignute realizacije sastavni je dio ovo Izvještaja, a zbog obimnosti sadržaja bit će iskazan u zasebnoj tabeli i dostavljen vijećnicima u elektronskoj formi.

DIO DVANAESTI - ODNOS I SARADNJA FEDERALNIH I KANTONALNIH VLASTI, MEĐUOPĆINSKA/GRADSKA I MEĐUNARODNA SARADNJA

Federalne, odnosno kantonalne vlasti su u skladu s članom 56. Zakona o principima lokalne samouprave u FBiH vršile konsultacije s organima Grada u postupcima donošenja zakona koji su se odnosili na interese lokalne samouprave. Konsultacija je vršena putem Saveza općina i gradova FBiH koji, shodno članu 51. citiranog zakona, djeluje kao zakonski zastupnik svojih članica. Grad Bihać je imao značajnu ulogu u iniciranju izmjena Zakona o raspodjeli javnih prihoda FBiH, te je dao svoju saglasnost na podnošenje tužbe pred Ustavnim sudom FBiH za ocjenom ustavnosti navedenog zakona. Također, svoju podršku je dao i u postupku ocjene ustavnosti Zakona o šumama FBiH, Zakona o državnoj službi FBiH, Zakona o koncesijama USK-a, te na izmjene i dopune ili donošenje Zakona o dopunskim pravima branilaca USK, Zakona o poljoprivrednom zemljištu FBiH, Zakona o obrtu FBiH, Zakona o izmjenama Zakona o zaštiti i spašavanju FBiH i dr.

Gradonačelnik i Gradsko vijeće su nastavili dobru saradnju s općinama/gradovima s kojima je potpisan sporazum o saradnji ili Povelja o bratimljenju. U 2017. godini Gradsko vijeće je donijelo Odluku o sklapanju Sporazuma o uspostavljanju trajne saradnje između Grada Bihaća (BiH) i Grada Gospića (RH), čime je potvrđena dugogodišnja saradnja, posebno kada su u pitanju prekogranični projekti vezani za turizam. Također, u 2017. godini nastavljena je saradnja i s Gradom Zadrom, Karlovačkom županijom, Gradom Sežanom i Općinom Plitvice.

DIO TRINAESTI - JAVNOST RADA GRADSKOG VIJEĆA

Obzirom da je članom 152. Statuta Grada propisana obaveza da je Grad dužan osigurati, razvijati i jačati javnost rada u postupku donošenja odluka te omogućiti građanima da neposredno učestvuju u postupku donošenja odluka i odlučivanju, javnost rada bila je djelimično osigurana, u fazama planiranja i pripremanja odluka.

Na ovaj način Vijeće je željelo postići interakciju s javnosti te ostvariti preduvjet efektivnog političkog nadzora i garancije da će organi Grada provoditi svoje dužnosti u interesu građana, odnosno lokalne zajednice.

Većinu odluka, pogotovo one koje su regulirale prostorno-plansku ili komunalnu oblast, ili su se odnosile na donošenje propisa o porezima, naknadama i taksama, na donošenje budžeta grada, donošenje programa i planova razvoja grada, Vijeće je usvajalo nakon provedenih javnih rasprava. Na taj način pružena je mogućnost građanima, kao i ciljnim grupama, da aktivno učestvuju u njihovom kreiranju.

Međutim, temeljitom analizom provedenih javnih rasprava uočeno je da je sve manji broj građana na njima prisutan, te da se ne postižu očekivani efekti. Razlozi mogu biti u nezadovoljstvu građana što se uključuju u fazu kada je već pripremljen nacrt odluka, te većina

iznesenih primjedbi u prijedlogu ne bude prihvaćena, ili većina građana nema saznanje o načinu i terminu održavanja javnih rasprava. Također, primjetno je da javnim raspravama ne prisustvuju marginalizirane grupe građana na koje se, vrlo često, odluke odnose, ili nisu konsultirani u procesu pripreme takvih odluka.

U cilju dosljednog provođenja i unapređenja načela javnosti, te kako bi se omogućilo široj javnosti da učestvuje u kreiranju politika koje su od interesa za lokalnu zajednicu, Gradsko vijeće je donijelo Odluku o učešću građana u vršenju javnih poslova. Odlukom su utvrđeni osnovni principi na kojima se temelje javne konsultacije, prošireni su oblici neposrednog učešća građana u vršenju javnih ovlasti od onih koje su utvrđene u Statutu Grada, s posebnim osvrtom na prethodne javne konsultacije, javne rasprave, organiziranje radionica i stručnih skupova, anketiranje, održavanje Dana otvorenih vrata i Kolegija u hodu, te organiziranje video konferencija.

Da bi se osiguralo dosljedno provođenje navedene Odluke, odnosno stepena dostignute realizacije, utvrđene su obaveze za Gradonačelnika i Kolegij Gradskog vijeća, da su dužni voditi evidenciju pojedinačno o svim oblicima učešća građana u javnim konsultacijama razvrstanim po spolu i o svim učešćima marginaliziranih grupa u javnim konsultacijama, što će činiti sastavni dio budućih godišnjih izvještaja o radu Gradonačelnika i Gradskog vijeća.

Vijeće je nastavilo u svome radu dosljedno slijediti načelo javnosti i na način da su sjednice Vijeća i u 2017. godini građani grada Bihaća mogli pratiti putem Radio Bihaća. Na taj način građanima Bihaća omogućen je blagovremen, potpun i objektivan pristup informacijama koje se tiču rada Vijeća.

Vijeće je u 2017. godini osiguralo da se sve usvojene odluke, zaključci, rješenja i drugi akti, a čije je objavljivanje propisano Poslovníkom Vijeća, objave u 16 Službenih glasnika Grada Bihaća.

Također, Vijeće je osiguralo svim sredstvima javnog informisanja, pod jednakim uvjetima, prisustvovanje sjednicama Vijeća, kao i pristup informacijama kojima raspolaže, a naročito materijalima koji su se razmatrali na sjednicama.

Vijeće je, u ostvarivanju svojih ustavom, Zakonom o lokalnoj samoupravi i Statutom Grada utvrđenih prava, obaveza i odgovornosti, nastojalo razviti dobre odnose saradnje i međusobnog uvažavanja sa svim političkim strankama, udruženjima i nevladinim organizacijama na području grada Bihaća. Ova saradnja naročito se ogledala kroz razmatranje njihovih inicijativa, prijedloga ili zahtjeva o kojima je Vijeće stavove i mišljenja zauzimalo putem svojih Komisija ili Kolegija Vijeća, prisustvovanjem predstavnika Vijeća njihovim sastancima ili obilježavanju značajnih manifestacija koje su organizirali.

DIO ČETRNAESTI - KOLEGIJ GRADSKOG VIJEĆA

U cilju unapređenja, efikasnosti i usklađivanja rada Vijeća, Gradsko vijeće je uspostavilo Kolegij Vijeća koga čine predsjedavajući Vijećem, zamjenici predsjedavajućeg, predsjednici klubova vijećnika u Vijeću, Gradonačelnik i sekretar Vijeća. U okviru utvrđenih prava i dužnosti iz člana 44. Poslovnika Vijeća, Kolegij je dao značajan doprinos u pripremama i održavanju sjednica Vijeća kao i u drugim poslovima vezanim za djelokrug rada.

Kolegij je u 2017.godini održao 32 sjednice na kojima je pripremao i utvrđivao planove rada Vijeća, prijedloge dnevnog reda sjednica Vijeća, pratio izvršavanje Programa rada Vijeća, starao se o ostvarivanju prava i dužnosti vijećnika, osiguravao saradnju Vijeća i gradskog organa uprave, kao i klubova vijećnika, te razmatrao inicijative i prijedloge upućene Vijeću.

Na Kolegiju Vijeća pokušavali su se usaglasiti stavovi klubova političkih partija koje participiraju u Vijeću po pitanjima koja su političke prirode. Također, u toku same sjednice Vijeća, Kolegij je održavao svoje sjednice na kojima su se, ponekad s uspjehom, ponekad bez uspjeha, pokušali usaglasiti stavovi po razmatranim tačkama dnevnog reda, što je doprinosilo konačnom usvajanju ponuđenih materijala.

S ciljem stvaranja pretpostavki za poboljšanje i kvalitetniji rad Vijeća, u narednom periodu Kolegij Vijeća će veću pažnju posvetiti, prvenstveno, većoj saradnji predlagača sa Kolegijem Vijeća kada je u pitanju organizacija i rad sjednica Vijeća.

Kolegij će zahtijevati od nadležnih službi da se dosljedno pridržavaju stavova i zaključaka Statutarne komisije, te će posvetiti veću pažnju praćenju realizacije donesenih odluka, usvojenih zaključaka Vijeća i izvršavanju ostalih poslova iz nadležnosti Kolegija Vijeća.

DIO PETNAESTI - SLUŽBA ZA STRUČNE POSLOVE GV

U Službi za stručne poslove Gradskog vijeća obavljaju se poslovi upravnog rješavanja, normativno-pravni poslovi, studijsko-analitički, stručno-operativni, administrativno-tehnički i operativni poslovi za potrebe Gradskog vijeća, njegovih komisija i povremenih radnih tijela.

Shodno navedenom, u okviru svoga djelokruga rada, Služba je u izvještajnom periodu:

- organizirala i obavljala sve stručne, administrativno-tehničke i druge poslove koji se odnose na pripremanje, sazivanje i praćenje sjednica Vijeća i njegovih radnih tijela i komisija,
- izradila nacрте i prijedloge odluka za Statutarnu komisiju kao predlagača,
- izradila nacрте prvostepenih rješenja za potrebe Komisije za žalbe,

- poduzimala mjere na obezbjeđenju realizacije programa rada Vijeća, njegovih radnih tijela i komisija i u tom cilju ostvarivala saradnju sa Gradonačelnikom, sekretarom organa uprave, službama za upravu, JU i JP čiji je osnivač Vijeće,
- obavljala poslove pravno-tehničke obrade odluka i drugih propisa Grada koje donosi Vijeće,
- izradila program rada Vijeća i njegovih radnih tijela i pratila njihovo izvršavanje,
- kontinuirano pružala stručnu i drugu pomoć klubovima vijećnika i vijećnicima u ostvarivanju njihovih prava i dužnosti,
- starala se o realizaciji zaključaka Vijeća,
- poduzimala mjere da nadležne službe za upravu i drugi nadležni organi odgovore na postavljena vijećnička pitanja i inicijative i vodila je interne evidencije o istim,
- vodila je evidencije i čuvala originalne propise i opća akta Vijeća, radnih tijela i komisija,
- uredila je i obezbjedila da se doneseni akti objave u „Službenom glasniku Grada Bihaća“ i drugim sredstvima javnog informisanja,
- ostvarivala je saradnju sa nadležnim službama Skupštine Unsko-sanskog kantona, Centralnom izbornom komisijom BiH, Ustavnim sudom FBiH i međunarodnim organizacijama po pitanjima iz nadležnosti Vijeća,
- pripremala je zahtjeve za budžet Službe i Vijeća, pratila izvršenje i odgovarala je za vlastite prihode i
- obavljala je i druge poslove koji su zakonom i drugim propisom stavljeni u nadležnost Službe i Vijeća.

U svom radu Služba primjenjuje propise vezane za nadležnost Gradskog vijeća i to: Zakon o principima lokalne samouprave F BiH, Zakon o lokalnoj samoupravi USK-a, Zakon o eksproprijaciji, Zakon o građevinskom zemljištu FBiH, Zakon o budžetima FBiH, Zakon o prostornom uređenju i građenju USK-a, Zakon o komunalnim djelatnostima USK-a, Zakon o koncesijama USK-a, Zakon o javnim ustanovama, Zakon o javnim preduzećima F BiH, te druge zakone kojima se reguliše materija iz nadležnosti Gradskog vijeća.

Služba je u Izvještajnom periodu obavila sve stručne i administrativno- tehničke poslove za **16 sjednica** Gradskog vijeća, te je sačinila zapisnike sa svih održanih sjednica.

Služba je sa održane 32 sjednice Kolegija Vijeća sačinila **32 zapisnika**.

Za sjednice Vijeća Služba je pripremila stavove, mišljenja, izmjene i dopune na **227** materijala o kojima je Vijeće odlučivalo.

Obzirom da su materijale razmatrala i nadležne komisije Vijeća, u prosjeku četiri komisije po sjednici, Služba je **sačinila 98 zapisnika** sa sjednica komisija u kojima je izneseno **584 stava**, mišljenja prijedloga ili izmjene i dopune akata.

Služba je ukupno sa zapisnicima Kolegija Vijeća, uradila **146 zapisnika**.

Također, Služba je u kontinuitetu obavljala i druge stručno-administrativne poslove vezane za djelokrug Službe i Gradskog vijeća, te je stručno obradila ili odgovorila **na 195** podnesaka, ili ukupno **na 422 akta**.

U izvještajnom periodu Služba je stručno obradila sve zaprimljene žalbe, te **uradila 43 rješenja** za Komisiju za žalbe, te 18 odgovora na tužbe.

Služba je vodila evidenciju prisutnosti vijećnika sjednicama Vijeća i radnih tijela Vijeća, te je prisutnost redovno dostavljala Službi za budžet.

Služba je ustrojila i ažurno vodila evidenciju vijećničkih pitanja i inicijativa, te odgovora na ista, a što je u prilogu ovog Izvještaja dokumentovano. U izvještajnom periodu svi odgovori na vijećnička pitanja i inicijative su dostavljani vijećnicima uz sazive za sjednice Vijeća.

Također, Služba je ustrojila Registar Gradskih propisa od 2000.godine i nastavila ga ažurirati u kontinuitetu.

Služba je osigurala transparentnost i javnost rada GV jer je na vrijeme dostavljala sazive za sjednice GV i komisija GV medijima, JU i JP, objavom na web stranici Grada. Služba je osigurala da se sve sjednice GV direktno prenose putem Radio Bihaća, te je zainteresirana javnost imala cjelovit uvid u tok sjednica GV.

Služba je u roku utvrđenom Poslovníkom Gradskog vijeća obavila sve administrativne poslove vezane za dostavljanje materijala vijećnicima.

Služba je u roku od tri dana, od održane sjednice Vijeća, pripremila i dostavila na objavljivanje **16 „Službenih glasnika** Grada Bihaća“.

Pored poslova rukovođenja Službom, sekretar GV je, u svojstvu ovlaštenog koordinatora Grada Bihaća sa Savezom općina i gradova FBiH, obavila sve stručne i informaciono- dokumentacione poslove koje je Savez zatražio od Grada Bihaća, te je imenovana za članicu AMCS radne grupe koja je aktivno pripremala i realizirala Projekat Podrške savezima općina i gradova FBiH i RS, uz pokroviteljstvo Misije OSCE-a.

Projekat je započeo 2013.godine s ciljem jačanja lokalne samouprave u BiH kroz jačanje Saveza u zastupanju i lobiranju interesa jedinica lokalne samouprave.

Projekat je usmjeren na:

- unapređenje saradnje Saveza sa Komisijom za lokalnu samoupravu u Parlamentu FBiH i
- održavanje konferencija sa načelnicima općina/gradova, predsjedavajućim O/G Vijeća i sekretarima vijeća.

U 2017.godini, 30. septembra, održana je Konferencija gradonačelnika/općinskih načelnika i predsjedavajućih vijeća, a koja je bila usmjerena na podršku reformskim procesima i ulozi

jedinica lokalne samouprave u reformskim procesima, te podršci akterima i aktivnostima prevencije borbe protiv korupcije.

Grad Bihać je, putem koordinatora sa Savezom, ili putem resornih službi, svoj doprinos, kao članica Saveza , dao u izradi slijedećih zakona:

- a) Zakona o šumama,(nacrt)
- b) Zakona o koncesijama (nacrt)
- c) Zakona o izmjenama i dopunama zakona o pripadnosti javnih prihoda (još uvijek nije upućen u parlamentarnu proceduru)
- d) Zakona o premjeru i katastru nekretnina(nacrt)
- e) Zakona o međuopćinskoj saradnji(prednacrt) i dr.

U daljnjem pregledu aktivnosti Službe prikazani su tabelarno redovni planirani i neplanirani poslovi vezani za rad Gradskog Vijeća.

Tabela br. 8 Pregled ostvarenih rezultata redovnih poslova Službe u 2017.godini

R.br.	Opis planiranih redovnih poslova	Rezultati (u tekućoj godini)	
		Planirani	Ostvareni
1	Priprema godišnjih i mjesečnih planova rada i izvještaja o radu Službe	2 godišnja, 12 mjesečnih	2/12
2	Izrada godišnjeg Programa rada Vijeća i Izvještaja o radu GV	2	2
3	Izrada Odluka za Statutarnu komisiju i Komisiju za izbor i imenovanje kao predlagača materijala	1	4
4	Stručna obrada odluka, izvještaja, planova i programa rada JU i JP, izbor i imenovanja i raspolaganje nekretninama	144	227
5	Davanje mišljenja po zahtjevu nadležnih organa o nacrtima i prijedlozima zakona i drugih propisa iz nadležnosti BiH, Federacije i Kantona	3	7
6	Izrada nacрта pojedinačnih akata (rješenja i zaključaka vezanih za žalbe i inicijative)	30 rješenja	43 rješenja
7	Odgovor na tužbe tužitelja Odgovori na zahtjev- Vrhovni sud	10	23
8	Izrada zapisnika sa sjednica GV, Kolegija, radnih tijela GV	89	146
9	Izrada internih evidencija o vijećničkim pitanjima i inicijativama	180 pitanja i 40 inicijativa	391 vijećničko pitanje i 68 inicijativa
10	Priprema službenih glasnika Grada Bihaća	12	16
11	Razni podnesci vezani za rad GV	120	195 podnesaka Vijeća

DIO ŠESNAESTI - ZAKLJUČNA RAZMATRANJA S PRIJEDLOGOM MJERA

POGLAVLJE I- Zaključna razmatranja

Aktivnost Vijeća u izvještajnom periodu bila je, u značajnoj mjeri, usmjerena na sagledavanje stanja i kretanja u svim oblastima društvenog života i na praćenju i provođenju utvrđene politike, izvršavanju zakona i drugih propisa iz domena rada Vijeća, a posebno vezanim za stvaranje povoljnijeg ambijenta s ciljem većeg zapošljavanja.

Na rad Vijeća, odnosno realizaciju Programa rada Vijeća za 2017.godinu utjecalo je više faktora, među kojima je i odnos predlagača prema utvrđenim rokovima iz Programa rada Vijeća.

Iako je Program rada Vijeća u izvještajnom periodu dostigao realizaciju od 76,3%, uzimajući u obzir naprijed navedeno, ovaj stepen realizacije bi bio znatno veći da su Vijeću dostavljeni svi planirani materijali i da su se dosljedno poštivali u Programu rada utvrđeni rokovi dostavljanja materijala.

Drugi faktor koji je utjecao na realizaciju Programa rada Vijeća je veliki broj neplaniranih materijala, odnosno 117 neplaniranih materijala, koje je Vijeće razmatralo u odnosu na 110 razmatranih materijala iz Programa rada Vijeća.

Neplaniranim materijalima se, vrlo često, davala prednost u odnosu na planirane materijale. Ovakav način postupanja predlagača ostavlja dojam lošeg planiranja u organu uprave, pa samim tim to utječe i na realizaciju Programa rada Vijeća, što bi u budućem kreiranju programa rada organa uprave i Gradskog vijeća trebalo izbjegavati. Dakle, izuzetak može postojati uz obrazloženje javnog interesa i hitnosti, ali izuzetak ne smije postati pravilo u izvršavanju utvrđenih obaveza, kao što je bilo do sada.

Treći faktor koji je utjecao na rad Vijeća, je nedosljedno provođenje odredaba Poslovnika Vijeća od strane vijećnika, što je utjecalo na dužinu trajanja sjednica Vijeća. Sjednice Vijeća su, bez obzira na broj tačaka u dnevnom redu, trajale i preko devet sati. Posebno je uočeno nepridržavanje utvrđenog vremena za aktuelni sat, podnošenje vijećničkih pitanja i inicijativa, te korištenje replika i odgovora na replike.

Dakle, obaveza je predsjedavajućeg da osigura jednaka prava svim vijećnicima u toku sjednice Vijeća, ali je i obaveza vijećnika da se dosljedno pridržavaju odredaba Poslovnika Vijeća prilikom korištenja svojih prava.

Četvrti faktor koji je mogao utjecati na kvalitetu rada Vijeća, pa time i na rad komisija Vijeća, je uočena loša normativno-tehnička obrada propisa i drugih akata, te nedosljedno pridržavanje propisane metodologije za izradu programa rada i izvještaja o radu JU i JP i drugih informativnih materijala koji su upućeni Vijeću.

Također, iz stavova Statutarne komisije moglo se zaključiti da se obrađivači materijala nisu dosljedno pridržavali odredaba člana 141. i člana 146. Poslovnika Vijeća, kada su u pitanju sadržaji obrazloženja nacrti i prijedloga akata, pogotovo odluka kojima su utvrđena određena prava i obaveze za pravna i fizička lica, ili se istim utvrđuje politika grada za određenu oblast.

Uzimajući u obzir navedeno, te činjenicu da je dinamika izvršavanja Programa rada Vijeća u 2017. godini bila neujednačena, da je predlagač neke materijale dostavljao pred samu sjednicu ili ih predlagao, kao dopunu dnevnog reda, na sjednici Vijeća, može se zaključiti da je Vijeće u okviru svoje nadležnosti, razmotrilo sve dostavljene akte i po istim donijelo odluke. Sjednice Vijeća nisu bile odgađane ili prekidane zbog nedostatka kvoruma, radna tijela su za sve donesene akte dala svoje stavove, a svi doneseni akti su u roku od tri dana proslijeđeni na objavu u Službeni glasnik Grada. Obzirom da su sve sjednice prenošene javno, čime je omogućeno građanima da imaju neposredan uvid u rad vijećnika na sjednicama, može se konstatirati da je Gradsko vijeće svoje obaveze nastavilo dosljedno ostvarivati u okviru utvrđenih prava i obaveza.

To nikako ne znači da Vijeće nije moglo dati mnogo više od učinjenog, ali za to je potrebna podrška svih vijećnika, klubova vijećnika i posebno Gradonačelnika kao predlagača najvećeg broja materijala.

I pored činjenice što su rasprave po nekim tačkama rezultirale prekidima sjednice radi zauzimanja stavova klubova vijećnika, te povlačenjem prijedloga akata od strane predlagača u toku rasprave, mora se naglasiti, da je najveći broj predloženih akata usvojen.

■ Analizom uporednih pokazatelja stepena realizacije Programa rada Vijeća u 2017. godini u odnosu na 2016. godinu može se zaključiti da, gledajući procentualno, realizacija Programa rada Vijeća u 2017. godini iznosi 76,3 % u odnosu na plan, što je za 0,8 % više u odnosu na 2016. godinu, u kojoj je procenat realizacije iznosio 75,05%, ali je bilo znatno više planiranih materijala.

POGLAVLJE II - Prijedlog mjera

Uzimajući u obzir izneseno, posebno primjedbe i sugestije vijećnika sa sjednica Vijeća, a u cilju podizanja kvalitete, efektivnosti i efikasnosti, te transparentnosti u radu Vijeća, potrebno je da svi subjekti koji sudjeluju u radu Gradskog vijeća, poduzmu slijedeće mjere:

- > Gradonačelnik će, kao predlagač materijala koji se dostavljaju Vijeću na razmatranje, prilikom izrade godišnjeg Programa rada organa uprave, koji je vezan za godišnji Program rada Gradskog vijeća, planirati materijale za koje postoje utvrđene pretpostavke za njihovo donošenje, a što će, u narednom periodu, doprinijeti većem stepenu realizacije Programa rada Vijeća za tekuću godinu.

> Gradonačelnik će, kao predlagač materijala, dosljedno se pridržavati Programa rada Vijeća za 2018.godinu, te će posebnu pažnju posvetiti utvrđenim zadacima i ciljevima iz navedenog Programa, a Kolegij Vijeća će u skladu s utvrđenom dinamikom zakazivanja sjednica i realizacije Programa rada poduzeti mjere kako bi se postigao zacrtani cilj njegove realizacije.

> Gradonačelnik će, u skladu sa svojim nadležnostima utvrđenim članom 52. tačka r) Statuta Grada Bihaća, jačati upravljački nadzor nad zakonitošću rada javnih preduzeća i javnih ustanova kojima je osnivač Grad, inicirat će rješavanje uočenih problema u njihovom funkcionisanju, pratiti obaveze ovih pravnih subjekata koje imaju prema osnivaču, te u tom kontekstu zahtijevati da postupe u skladu s zakonom i drugim aktima koji regulišu njihov rad i Programom rada Vijeća za 2018. godinu, u cilju dostavljanja planiranih materijala (godišnjih izvještaja o radu i programa rada) na razmatranje i suglasnost po propisanoj proceduri i uz stavove i mišljenja nadležne službe, te će obezbijediti prisustvovanje predstavnika upravljačke strukture (predsjednika upravnog odbora, nadzornog odbora i predsjednika skupštine) navedenih pravnih subjekata na sjednicama komisija i Gradskog vijeća prilikom razmatranja predmetnih materijala.

> Gradsko vijeće će, u skladu s odredbama člana 76. Poslovnika Vijeća, kao osnivač javnih ustanova i javnih preduzeća, poduzimati mjere protiv organa upravljanja u javnim ustanovama i javnim preduzećima i menadžmenta koji se ne pridržavaju rokova ili ne postupe po stavovima i zaključcima Gradskog vijeća koje Vijeće usvoji po materijalima JU i JP o kojima je odlučivalo.

> Gradonačelnik će, u skladu sa svojim nadležnostima, poduzeti mjere da se sa vijećničkim pitanjima i inicijativama postupa na način propisan članom 96. i članom 138. Poslovnika Vijeća.

> Predsjedavajući Vijeća će poduzeti mjere da se od strane vijećnika osigura dosljedno poštivanje odredbe člana 94. Poslovnika Vijeća koja se odnosi na podnošenje i postupanje po podnesenoj inicijativi vijećnika.

> Predsjedavajući Vijeća će poduzeti mjere da se osigura dosljedno provođenje odluka i zaključaka Vijeća, te da o stepenu provođenja resorne službe redovno izvještavaju Kolegij Vijeća.

> Nadležne gradske službe, kao obrađivači materijala, su dužne materijale dostavljati Službi za stručne poslove Gradskog vijeća najkasnije 15 dana prije održavanja sjednice Vijeća. U slučaju nepoštivanja Programa rada Vijeća i nepridržavanja

utvrđenih rokova, Služba za stručne poslove Gradskog vijeća će blagovremeno izvještavati predsjedavajućeg Vijeća, a predsjedavajući Vijeća Gradsko vijeće i Gradonačelnika.

> Nadležne gradske službe će, prilikom izrade nacrtu i prijedloga akata, voditi računa o nomotehničkoj obradi odredbi u skladu sa Pravilima i postupcima za izradu zakona i drugih propisa u Federaciji BiH, da u pogledu sadržaja i forme materijali budu usaglašeni s Uputstvom i Metodologijom za izradu akata koji se upućuju Gradskom vijeću, te da popratni akt sa obrazloženjem sačine u skladu s odredbama člana 141. stav (4) i člana 146. Poslovnika Vijeća.

>Nadležne gradske službe su dužne dosljedno provoditi odluke koje je Vijeće usvojilo, te izvijestiti Statutarnu komisiju o uočenim problemima u provođenju odluka, a Kolegij Vijeća o stepenu provođenja navedenih akata.

>Nadležne gradske službe dužne su izvijestiti Vijeće o realizaciji zaključaka donesenih na sjednicama Vijeća, kao i o razlozima radi kojih se isti nisu realizirali, obzirom da službe Vijeću ne dostavljaju povratne informacije o realizaciji donesenih zaključaka, što kod vijećnika ostavlja dojam da se ne realiziraju, a što utječe i na cjelovitost izvještaja o radu Vijeća.

> Nadležne gradske službe i pravni subjekti kojima je vijećničko pitanje upućeno dužni su više pažnje posvetiti vijećničkim pitanjima i prilikom obrade istih dostaviti ih na vrijeme, ponuditi potpunije i konkretnije odgovore, te poduzeti adekvatne mjere na otklanjanju uočenih problema na koja pitanja ukazuju.

>Od stalnih radnih tijela Vijeća se traži da više pažnje posvete svome djelokrugu rada, te u tom smislu poduzmu aktivnosti na većoj neposrednoj saradnji s gradskom upravom, građanima i nevladinim sektorom u cilju razmatranja pitanja od interesa za građane grada Bihaća.

> Od Kolegija Vijeća se traži da polugodišnje izvrši analizu stepena realizacije Programa rada Vijeća za 2018. godinu i ukoliko se ukaže potreba, pristupi proceduri izmjena i dopuna Programa rada , a sve s ciljem postizanja efikasnosti rada Vijeća u odnosu na broj planiranih i realiziranih poslova.

> Kolegij će, poštujući utvrđeni djelokrug poslova iz člana 44. Poslovnika, više pažnje posvetiti organizaciji priprema i rada sjednica Vijeća, kako bi ih učinili efikasnijim i efektivnijim.

- Gradsko vijeće i Gradonačelnik će poduzeti mjere da se osigura učešće zainteresirane javnosti, odnosno građana, organizacija civilnog društva, predstavnika akademske zajednice, marginaliziranih grupa građana, te drugih pravnih subjekata u javnim konsultacijama u najranijoj fazi donošenja odluka i drugih akata iz nadležnosti Grada kako bi se osiguralo uključivanje javnosti u kreiranje politika koje služe zadovoljavanju potreba građana i samoj kvaliteti akata koji se donose.
- U tom cilju, Gradonačelnik će u roku od 15 dana od dana donošenja Programa rada Vijeća za 2018.godinu donijeti plan donošenja akata o kojima će Gradsko vijeće provoditi javne konsultacije i isti objaviti na javnosti dostupan način.

Gradsko vijeće će, u skladu sa svojim zakonskim i statutarnim ovlaštenjima, zajedno sa Gradonačelnikom, usmjeriti svoje aktivnosti i pažnju na stvaranje uvjeta i ambijenta za unapređenje u oblasti privređivanja, zapošljavanja, obrazovanja i socijalne politike, u nastojanju da se utječe na pomake i pozitivne promjene u ovim i ostalim oblastima od značaja za lokalnu samoupravu, i u tom cilju kreirati i provoditi utvrđene politike Grada.

Naročita pažnja će se posvetiti stvaranju pretpostavki za realizaciju usvojenih strategija, programa kapitalnih investicija i drugih akata kojim se stvaraju bolji uvjeti za život i rad svih građana grada Bihaća, te će u tom cilju Gradonačelnik i Gradsko vijeće nastaviti jačati saradnju s višim nivoima vlasti i međunarodnim organizacijama koje djeluju na području Federacije BiH, USK-a i području grada.

Dužnost gradskih vijećnika je da u svome radu dosljedno poštuju načela Ustava, te osiguraju dosljedno provođenje zakona, odredaba Statuta i Poslovnika Vijeća. Također, dužnost vijećnika je da u vršenju povjerene funkcije rade u općem interesu, te se zalažu za poštivanje ljudskih prava i sloboda, ravnopravnost svih građana, ravnopravnost spolova, te da primjerenim ponašanjem doprinesu ugledu funkcije koju obavljaju.

Gradsko vijeće

Broj: GV- /18

Bihać, 25.01.2018.godine

Predsjedavajući Gradskog vijeća

Davor Župa s.r.